

Ser. 59
t/15

~~Basotho~~
repeat every fresh page
00
COPY

1.
3. 31.

1/3
L. B. Tshangela
Gacha Nek.

Batsomi ka Mamena. K31/15

pp. 1-3 (Sotho Custom).

1 Sechaba sa Basotho mehlang ea khale se ne se e-na le mekhoha e mengata ea ho tsoma liphoofolo. O mong oa mekhoha eno e ne e le oa ho tsoma ka ho cheka mamena. O no o sebetsoa ka mokhoa ona: Ka ho batla tsela eo liphoofolo li neng li atisa ho tsamaea ka eona ha li ea noa metsi le ha li ea fula.

Sechaba he se tla tsoela mahoatateng le liphuleng ho ea lisa liphoofolo tseo, e re hoba se bone tsela eo se cheke mekotihali ea metonana e tebileng.

Hoba mekoti eo e fele ho chekoa, ho tla batloa mahlaku kapa thupana tse tsesanyane ho tlo koaheloa mekoti eo ka tsona ho timeletsae le ho etsa hore phoofolo li se ke tsa elleloa mekoti eo, li 'ne li hopole hore li ntse li tsamaea mahoatateng feela.

2 Joale he hoba ho ghalanoa ho boeloa moo ho tlang ho lebeloa teng. Bosiung boo ho tla laloa ho sa robaloa ke banna mohlo-mong le basali ba be teng lehoja ba ne ba sa atisi ho ba teng bona basali. Ho tla binoa ho kopjoa Molimo hore a etse hore liphoofolo li be ngata tse oelang mameneng ao. Ho leotsoa marumo le libetsa tse ling ho lokisetsa tsatsi la hosasa. Ha bosiu bo esa thaka e tla ea mameneng e fihlele ntho e ngata ea liphoofolo e oetseng e tlatsitoe mekoti. Ha ho sa le mokhoa o mong e se e le lerumo feela le sebetsang.

Ke oo he mokhoa oo Basotho ba neng ba tsoma liphoofolo ka ona, e be ho ea phele sechaba se phele. Phoofolo tseo e ne e le litsepe, litau, lipulumo

Papali ea Lesokoana.

3 Ena ke e 'ngoe ea lipapali tse seng li sa
bapaloa mehlang ena ke bana ba Basotho.
E ne e le papali e neng e bapaloa ke
banana ba Basotho bas e seng e le likha-
rebe tse seng li tsoile matsotse. E ne e
bapaloa ka mokhoa ona: - Ho ne ho ee ho
tlohe banana ba motse ba bokellane
ba le 'notsi ba pere ho ea motseng o mong
o thoko le oa hahabo bona ho ea nka
lesokoana teng.

Bantsana bana ke ba tla ikhetha ka
ho itseba ho khethoe bao e leng bona
lititimi ke hore ba lebelo hobane ba bang
ba ee ba be batunya haholo joale ba hloke
lebelo. Joale ke hlophana se itseng se tla
sala bakaneng se itseng e be ba lebelo, ho
boele ho siusi se seng sehlophana hape
bakaneng se itseng joalo-joalo ba be bararo
kapa ba be babeli ke hore ba ntse ba atamela
motseng oo ba ~~it~~^{ean} ho nka lesokoana ho
ona. Etlare hoba ba atamele ho tla ntsoa
ba babeli ho ea motseng oo ba ee ka bohale
ba sa iponahatse seo ba thileng ho se etsa.

4

Ba tla kena le ha e le ha mang feela
moo ho leng teng batho. Mohlomong ba tla
fikhelela mosali kapa mosali-moholo oa motse
oo a iphehetse lijo tsa hae tse kang
moro-konyana a ntse a soka, che ba tla
lumelisa ba ipetse ba chakileng feela ho
se taba. Ka mora malebaleba ana ba ntse
ba tsomme ho bona moo lesokoana le
beuseng teng.

Hang ha baka se ba lokela ngoanana
o tla re tsoata lesokoana a be a le akhele

ho e mong oa habo eo ha a ea ka lona.
 Mosali oa moo lesokoana le nkiloeng teng
 o tla hlaba mokhosi a re "He-e banana
 lesokoana la ea!" Joale he 'mali u sa tla
 bona ba motseng ona banana ha ba re
 ba ea tsoa ka ntloana le ntloana, ba tla
 re phuru-phuru joaleka linonyana ha li
 e tsoa ka ~~hloaheng~~^{likhaheng} ho sala bao morao ba
 nkileng lesokoana. Le bona bao ba nkileng
 lesokoana ha ba sa le mona le mona ba
 se ba pepile tlhaku ho ea ho ba habo. Etlare
 ha ba atamela ho ba hlotisoana sa habo ba
 akhele lesokoana ho bona hoba mohlomong
 ba tla be ba se ba khathetse.

Batho ba baholo hae mona ba eme
 kantle ba lebeletse ngoanana a otla tlhaku
 ho ba feta, mose kapa sona ~~sebeti~~^{sebeti} a se a
 o tsoaretse ka holim'a mangoale. Ho tla
 mathisoana joalo ba bang ba ~~balaha~~^{phuthuma} le
 lesokoana ~~bang~~^{phallela} ba le (phallela). Ho
 ea be ho kengoane hae le ho feta e ntse e le
 leruthu-ruthu, mohlomong ba be ba fumanoa
 ba amohuo le lesokoana kapa ba habo lesokoana
 ba be ba le tele ba khutle ba se
 ba soabile ba bile ba soka hore le bona
 ba tla tla nka la habo bona.

Ho no ho se ntoa he mona, e ne e le
 papali feela ea ho bona hore ba lebelo ke
 ba hokae e le bo mang. 'Me bana bana ba
 ne ba hola hantle ba phetse ha monate
 ba se na letsoeha. E le ntho e monate ho
 baholo ho bohela lebelo. E ne e le ntho ea
 banana feela, e ne e se ntho ~~ea~~^{eo} banna
 kapa bashanyana kapa basali baholo ba
 neng ba kena ho eona.

Mohlomong e ne ee e bapaloa ha ho
 bitloa pula le ho pula e e-na. End 59.